



Gjërat e fundit të njeriut



PURGATORI

Burimet zyrtare

Websiti zyrtar i Katekizmit
të Kishës Katolike:

[Catechismo della Chiesa
Cattolica - Indice Generale
\(vatican.va\)](http://www.vatican.va)

Websiti zyrtar me
përgjigje të teologut
domenikan Atë Angelo
Bellon o.p.:

www.amicidomenicani.it



A EKZISTON PURGATORI? NQS PO, SI E DIMË?

- Protestantët thonë që Purgatori nuk ekziston.
- Sepse, thonë ata, Jezusi nuk ka folur askund në Bibël për purgatorin (ndryshe nga ferri e parajsja, ku i kemi parë pjesët biblike të shumta në të cilat ai flet haptas për ta).
- Po, është e vërtetë që nuk folur për Purgatorin në Bibël... haptas!
- Dmth, nuk e ka quajtur me emrin që e quajmë tani Purgator, por në fakt ka shumë pjesë biblike, si të Dhjatës së Re ashtu edhe të Vjetër, që na e zbulojnë dhe na e pohojnë ekzistencën e Purgatorit.



PURGATOR=realitet në të cilin shpirti pastrohet nga papastërtitë

- Para se t'i japim, duhet të kemi parasysh që nuk është mirë të fiksohemi pas emrave, por duhet të kuptojmë esencën dhe kuptimin që çdo emër mbart në vetvete.
- Atëhere, Purgatori quhet i tillë, sepse vjen nga fjala latinisht “purgare” që do të thotë të pastrosh, të lirosh diçka nga të gjitha papastërtitë.
- Pra, me pak fjalë, Purgatori është ai realitet pas vdekjes së njeriut, dmth pas shkëputjes së shpirtit të pavdekshëm nga trupi që vdes, në të cilin shpirti pastrohet, lirohet nga papastërtitë e tij, dmth “purgohet”.



Ku flitet në Bibël për Purgatorin?

*Prandaj po ju them: çdo faj e blasfemi do t'u falet njerëzve, kurse blasfemia kundër Shpirtit Shenjt, nuk do të falet. E nëse ndokush thotë ndonjë fjalë kundër Birit të njeriut, mund t'i falet fjaji, por nëse ndokush thotë ndonjë gjë kundër Shpirtit Shenjt, **nuk do t'i falet as në këtë botë as në botën e ardhshme.**" (Mateu 12, 31-32)*

Deduktojmë që në botën e ardhshme, ka ca mëkate që falen e ca që nuk falen.

E dimë që në Parajsë nuk mund të "falet", pra nuk mund të hyhet me asnjë lloj mëkati e papastërtie, kështu që e sigurtë që nuk po flet për Parajsën.

Po ashtu, e dimë që në ferr nuk falet asnjë lloj mëkati, në kuptimin që në ferr nuk mund të kthehet mbrapsht askush: ai që shkon në ferr, atje mbetet përgjithmonë dhe nuk mund t'i falet asnjë lloj mëkati, kurrë.

Atëhere, nuk po flet për Parajsën, nuk po flet për ferrin, kush është ky realitet tjetër i botës së ardhshme, në të cilin disa mëkate falen, por disa të tjera jo?

Deduktojmë pra që Jezusi këtu po flet për Purgatorin, në të cilin disa mëkate nuk falen (mëkatet e rënda) dhe disa falen (mëkatet jo të rënda).

Ku flitet në Bibël për Purgatorin?

- *Sipas hirit që Hyji ma ka dhënë, unë, pors i arkitekt i mirë, vura themelin, një tjetër vazhdon me mur mbi të; por secili t'ia vërë mendjen si ndërton. Sepse, askush nuk mund të vërë tjetër themel, përveç atij që është vënë, e ai është Jezu Krishti. Kushdo të ndërtojë mbi këtë themel me ar, me argjend, me gur të paçmueshëm, me dru, me sanë, me kashtë - vepra e secilit do të dalë në dritë. Ajo Ditë do ta tregojë, sepse do të vijë me zjarr, e zjarri do ta provojë cilësinë e veprës të secilit. Ai, vepra e të cilit do të qëndrojë, do të marrë shpërblimin. **Po iu dogj vepra ndokujt, ai do të pësojë dëm; me të vërtetë do të shëlbohet, por nëpërmjet zjarrit.** (I Korintasve 3, 10-15)*

- Edhe në këtë letër të Shën Palit Purgatori nuk përmendet drejtpërdrejt, por deduktohet (dhe nga kjo pjesë Kisha Katolike ka nxjerrë doktrinën e saj mbi Purgatorin) që ekziston një realitet i tillë.



Ku flitet në Bibël për Purgatorin?

“Juda pastaj mblodhi ushtrinë dhe arriti në qytetin e Odollamit, pasi plotësohej java, u pastruan sipas zakoneve dhe kaluan atje të shtunën. Ditën tjetër, kur tashmë ishte e nevojshme të bëhej, njerëzit e Judës shkuan që të mblidhnin kufomat e t’i vendosnin së bashku me të afërmit e tyre në varre familjare. Por gjetën poshtë tunikës të secilit të vdekur objekte të shenjta kundrejt idhujve të lamnias, që ligji ua ndalon judenjve. Qe atëhere i qartë motivi për të cilin ata kishin vdekur. Kështu të gjithë, duke bekuar veprën e Zotit, gjyqtar i drejtë që i bën të dukshme gjërat e fshehta, ju drejtuan lutjes, duke u lutur që mëkati i bërë të falej plotësisht. Fisniku Juda i nxiti të gjithë popullin që të ruhen pa mëkate, duke qenë se e kishin parë me sytë e tyre se Çfarë kishte ndodhur për shkak të mëkatit të të vdekurve. Pastaj, pasi bënë një mbledhje parash, ku secili linte dicka, përreth 200 drama argjendi, i dërgoi në Jeruzalem që të ofrohej sakrifica e ndreqjes, duke vepruar kështu në mënyrë të mirë e fisnike, i frymëzuar nga mendimi i ringjalljes. Sepse, nqs nuk do të kishte patur një besim të fortë që të vdekurit do të ringjallen, do të ishte e kotë dhe sipërfaqësore që të luteshin për ta. Por nqs ai e konsideronte shpërblimin e mrekullueshëm që u është rezervuar atyre që vdesin me ndjenja mëshire, kjo konsideratë ishte e shenjtë dhe devote. Prandaj ai caktoi që të ofronin sakrificën e ndreqjes për të vdekurit, që të mund të faleshin nga mëkati”. (Libri I dytë I Makabejve, 12, 38-45)



PURGATORI EKZISTON!

NE E DIMË QË EKZISTON SEPSE
NA E KA THËNË VETË ZOTI,
JEZU KRISHTI.

EDHE PSE NUK KA FOLUR
DREJTPËRDREJTË PËR TË, NA
KA BËRË TË KUPTOJMË QË
SIGURISHT EKZISTON NJË
REALITET QË NUK ËSHTË AS
FERRI, AS PARAJSA, KU
SHKOJNË ATA QË SHPËTOJNË
NGA FERRI, POR NUK JANË
GATI PËR TË HYRË NË PARAJSË.





ÇFARË ËSHTË PURGATORI?

- Purgatori është një realitet i botës së përtejme, së ardhme, që është efekt i Mëshirës Hyjnore për të gjithë shpirtrat, që vdesin në gjendje hiri, por nuk janë të pastruar tërësisht prandaj nuk mund të futen menjëherë në Parajsë.
- Purgatori u lejon të gjithë këtyre shpirtrave që të pastrohen për të qenë të gatshëm për të shkuar në Parajsë.



KUSH SHKON NË PURGATOR?

- Ata që vdesin në hir dhe në miqësi me Zotin, por janë të pastruar në mënyrë jo perfekte, edhe pse janë të sigurtë për shpëtimin e tyre, u nënshtrohen, pas vdekjes së tyre, një purifikimi, që të fitojnë shenjtërinë e duhur për të hyrë në lumturinë e qiellit (KKK 1030).
- Pra, shkon në Purgator ai shpirt njeriu që në çastin e vdekjes gjendet në hirin shenjtërues të Zotit, dmth nuk është në gjendje mëkati të rëndë, por ka akoma mëkate jo të rënda për të pastruar.

A ËSHTË E SIGURTË QË SHKOHET NË PARAJSË PAS PURGATORIT?

Po, ai shpirt njeriu që gjendet në Purgator, pasi të përfundojë pastrimin e tij të plotë, dmth Purgatorin e tij, është e sigurtë dhe e garantuar që shkon në Parajsë.

- Siguria e shpëtimit përbën lumturinë më të madhe të këtyre shpirtrave.
- Këta shpirtra gëzojnë gjithashtu vizitat e engjëjve dhe të shenjtërve
- Ata e kanë të pamundur që të mëkatojnë më
- Ata kanë dashurinë e Zotit.

Për të gjitha këta arsye, gëzimi i tyre është më i madh se të gjitha gëzimet e kësaj bote!





SI PASTROHEN SHPIRTRAT NË PURGATOR?

Shpirtrat e Purgatorit pastrohen nga mëkatet jo të rënda për të cilat nuk janë penduar, ose nga mëkatet e rënda për të cilat janë penduar por jo pastruar tërësisht, nga dëmet që rrjedhin nga këto mëkate, nga lidhjet e çrregullta me gjërat e kësaj bote nëpërmjet zjarrit.



Vuajtjet e shpirtrave të Purgatorit...

- Zjarri i purgatorit, ndryshe nga zjarri i ferrit, nuk është për të ndëshkuar, por për të pastruar shpirtrat e purgatorit nga çdo papastërti, pak a shumë sikur pastrohet hekuri në zjarr nga ndryshku.
- Nuk dihet mirë nqs në këtë rast zjarri është i vërtetë si zjarri i ferrit, apo është një simbol që përdoret për të treguar thellësinë e pastrimit që bëhet në Purgator.
- Dhimbja më e madhe e shpirtrave të Purgatorit është dhimbja e atij që do me gjithë zemrën, me gjithë shpirtin por që nuk mund ta plotësojë dëshirën e vet për momentin.



A MUND TË LUTEN SHPIRTRAT E PURGATORIT?

- Sipas teologut të madh Shën Tomës së Akuinit, Shpirtrat e Purgatorit, edhe pse janë superiorë ndaj nesh përsa i përket shenjtërisë, janë inferiorë ndaj nesh për shkak të vuajtjeve që ata vuajnë. **Për këtë arsye, ata gjenden në pamundësinë për t'u lutur për veten apo për dikë tjetër, por kanë nevojë ato për lutje.**
- Po ashtu, shpirtrat e Purgatorit me të vërtetë nuk mund të luten për ne drejtpërdrejtë (dmth siç bëjmë ne të gjallit, që lusim rruzaren për dikë psh.) por mund t'i ofrojnë Zotit veprat dhe lutjet e tyre që kanë bërë kur kanë qenë në këtë tokë.



LUTUNI PËR SHPIRTRAT E PURGATORIT!

Do t'i ndihmoni ata, dhe
sa më shumë t'i
ndihmoni, aq më shumë
do t'ju ndihmojnë ata
juve!

KU PASTROHEN SHPIRTRAT E PURGATORIT?

- Jemi të sigurtë që Purgatori është një gjendje e shpirtit, por përsa i përket vendit të Purgatorit nuk ka asgjë të thënë haptas në Bibël e kështu që nuk mund ta zgjidhim këtë çështje.
- Gjithsesi, duhet të kemi parasysh që:
 - Fantazmat nuk ekzistojnë! Shpirti, pas vdekjes shkon o në ferr, o në parajsë, ose në Purgator.
 - Shpirti nuk futet në një trup tjetër njeriu apo kafshe sikurse thonë hinduistë apo budistët,
 - Shpirti nuk sillet vërdallë nëpër vendet që ka jetuar në këtë tokë siç mendojnë teoritë e ndryshme new age etj.
- Mund të ndodhë, vetëm me një leje të veçantë të Zotit, për qëllime të mira si psh. për të mësuar e për të nxitur të gjallit që të kenë besim në gjërat që thotë Kisha, sidomos në lidhje me Purgatorin e me ndihmën ndaj shpirttrave që aty gjenden, që disa të purifikohen në vende të ndryshme dhe që ndëshkimi i tyre, duke ju bërë i dukshëm të gjallëve, t'i nxiste këta të fundit që t'i ndihmonin ata me lutje e vepra të mira.



Padre Pio flet me shpirtrat e Purgatorit


Një natë, kur konvikti i fetërve ku jetonte Padre Pio ishte krejt mbyllur, pas darkës, dëgjohen ca gjëra që thoshin “Rroftë Padre Pio!” Frati përgjegjës dërgoi Fra Gerardin që të shihte se kush ishin: kur ai zbriti tek porta e hyrjes, shikoi që gjithçka ishte në rregull, porta e mbyllur me hekura me kujdes, siç e mbyllnin çdo natë e gjithçka në rregull. Megjithatë, të gjithë i kishin dëgjuar ata zëra dhe frati superior nuk gjente dot paqe. Ditën tjetër shkon tek Padre Pio dhe e pyet Padre Pion nës i kishte dëgjuar edhe ai ata zëra që nuk dinin nga vinin. Atëhere, Padre Pio i përgjigjet, krejt me qetësi, si të ishte gjëja më normale në botë, që ata ishin zërat e disa ushtarëve të vdekur që kishin ardhur për ta falenderuar për lutjet e tij.

Padre Pio flet me shpirtrat e Purgatorit

Një darkë Padre Pio po pushonte në një dhomë kur shikon një njeri me një mantel të zi që i shfaqet para syve. Padre Pio e pyeti burrin se kush ishte e nga vinte dhe ai i përgjigjet, “Jam Pietro di Mauro, kam vdekur pikërisht në këtë vend, i cili ka marrë flakë, më 18 shtator të vitit 1908, kur ky vend ishte një azil për të moshuarit. Zoti më ka lejuar që të vij tek ju për t’ju kërkuar që të ofroni Meshën e ditës së nesërme për mua; falë kësaj Meshe do të mund të hyj në Parajsë!

Atëhere Padre Pio ofroi meshën për këtë njeri dhe foli me fretërit e tjerë të konviktit, të cilët për kuriozitet shkuan tek arkivat e bashkisë së San Giovanni Rotondo dhe gjetën në këtë arkiv pikërisht të shkruar:

Në datën 18 shtator 1908, në zjarrin e azilit të pleqve, vdiq Pietro di Mauro”!



SI TË LUTEMI PËR SHPIRTRAT E PURGATORIT?

Mesha e shenjtë

- Ndhima e parë dhe më e madhe që mund t'u japim shpirtave të Purgatorit është që të ofrojmë Meshën e shenjtë për ta. Sa? Sa më shumë të kemi mundësi, aq më mirë është.
- Është e këshillueshme, paktën për një shpirt të një vdekuri tanë të dashur, të ofrojmë Meshat gregoriane. Janë 30 mesha rresht që thuhet për shpirtin e të njëjtit person, pa ndërprerje.
- **Nqs doni të ndihmoni një shpirt të Purgatorit, nuk ka mënyrë më të mirë, më të fortë se sa kjo!**



SI TË LUTEMI PËR SHPIRTRAT E PURGATORIT?

Indulgjencat (Faljet)



Ça janë indulgjencat?

Janë heqja (falja) e dënimit të përkohshëm që vjen nga mëkatet, për të cilat jemi penduar e rrëfyer, pra janë të falura përsa i përket fajit.

SI TË LUTEMI PËR SHPIRTRAT E PURGATORIT? Indulgjencat (Faljet)

Për kë mund të ofrohet indulgjenca?

Ne mund t'i marrim indulgjenca për veten tonë (dmth për faljen e dënimit që vjen nga mëkatet tona që i kemi rrëfyer) ose për një ose disa shpirtra të vdekurish, që gjenden në Purgator.



SI TË LUTEMI PËR SHPIRTRAT E PURGATORIT?

Indulgjencat (Faljet)

Pse Kisha mund të përcaktojë këto indulgjenca?

Kisha e ka fuqinë që ja ka dhënë Jezu Krishti për të zgjidhur e për të lidhur:

“Ty do të jap çelësat e mbretërisë së qiellit dhe gjithçka që do të lidhësh në tokë do të lidhet në qiell, e gjithçka që do të zgjidhet në tokë do të zgjidhet në qiell”. (Mateu 16:19)

Kisha Katolike e ka këtë pushtet që buron nga Mëshira e Hyjit dhe duhet ta ushtrojë për të mirën e shpirtave

Po ashtu, këtë gjë Kisha mund ta bëjë falë realitetit të Korpit Mistik të Krishtit (Kisha është ky Korp Mistik) dhe falë realitetit të bashkësisë së shenjtërve, sipas të cilit të gjithë shenjtërit vënë bashkësi meritat e tyre për të mirën e të gjithë shpirtave dhe besimtarëve. Sidoqoftë, meritat e çdo lloj shenjti e kanë burimin tyre të gjitha në meritat e Zotit tonë Jezu Krishti, që është edhe Korpit Mistik.

Në shekullin tonë, çdo gjë që ka të bëjë me indulgjenca është përcaktuar në Kushtetutën Apostolike “Indulgentiarum Doctrina” nga Papa Paolo VI më 1 janar të vitit 1967 dhe në “Enchiridion Indulgentiarum”, e Penitencierisë Apostolike .



SI TË LUTEMI PËR SHPIRTRAT E PURGATORIT?

Indulgjencat (Faljet)

Sa nga dënimi i përkohshëm mund të falë induljenca?

Ekzistojnë dy lloj indulgjencash (faljesh): e plotë (*plenariae*) ose e pjeshme (*partiale*).

- Falja e pjeshme na jep faljen e pjeshme pra vetëm të një pjese të dënimit të përkohshëm që vjen nga mëkatet e falura nga rrëfimi.
- Falja e plotë na jep faljen e plotë të dënimit të përkohshëm që vjen nga mëkatet e falura nga rrëfimi (përsa i përket fajit).



SI TË LUTEMI PËR SHPIRTRAT E PURGATORIT?

Indulgjencat (Faljet)

Cilat janë kriteret që duhet të plotësojmë për të marrë faljen (indulgjencën) e plotë?

- Kungimi sakramental në atë ditë që merret indulgjenca (me një Kungim merret vetëm një falje e plotë)
- Rrëfimi 8 /15 ditë para ose pas kësaj dite që merret indulgjenca (me një rrëfim merren më shumë falje të plota)
- Lutja sipas njetit të Atit të Shenjtë (zakonisht 1 Ati ynë, 1 Të Falemi Mari, 1 Lavdi Atit)
- Vepra e indulgjenciuar
- Shkëputje e plotë nga lidhja me çdo lloj mëkati, qoftë edhe më i vogli





SI TË LUTEMI PËR SHPIRTRAT E PURGATORIT?

Indulgjencat (Faljet)

- Kuptohet atëhere pse falja e plotë është shumë e vështirë për t'u marrë me një indulgjencë të vetme: sepse për secilin prej nesh është e vështirë shkëputja nga çdo lloj mëkati, edhe më i vogli.
- **Këshillë:** *Mos u mjaftoni vetëm me një apo dy indulgjenca (falje) të plota, por për arsyet që thamë më sipër, merrni sa më shumë indulgjenca, sa herë ta keni të mundur, duke i ofruar o për veten, o për shpirtrat e Purgatorit, duke shpresuar që nga njëra anë të keni shtysën për t'ju larguar sa më shumë mëkatin, nga ana tjetër të ju falet sa më shumë nga dënimi i përkohshëm.*

SI TË LUTEMI PËR SHPIRTRAT E PURGATORIT?

Indulgjencat (Faljet)

Po vepra e indulgjenciuar çka është?

- Në disa ditë të veçanta, që i cakton Kisha, për të gjithë ose për anëtarë në bashkësi, vëllazëri, komunitete të ndryshme siç mund të jenë psh. anëtarët e Vëllazërisë së Rruzares, nuk ka nevojë për të kryer veprën e indulgjenciuar, por mjafton të kryejmë vetëm 4 kriteret e tjera.
- Indulgjenca e plotë nuk merret vetëm në këto ditë të veçanta, por mund të merret edhe përditë (maksimumi një herë në ditë), nqs ne arrijmë të plotësojmë përditë 5 kriteret e sipërpërmendura, përfshi veprën e indulgjenciuar

Disa nga veprat e indulgjenciuara janë:

- Adhurimi eukaristik për të paktën 30 minuta
- Lutja e Rruzares në kishë, në familje ose në komunitet
- Udha e Kryqit
- Leximi i Shkrimit të Shenjtë për të paktën 30 minuta
- Vizita e një kisha më 1 nëntori në mesditë deri më 2 nëntor në mesnatë për të vdekurit
- Vizita e varrezave në një nga këto ditë: nga 1 nëntori deri më 8 nëntor (përfshi data 1 dhe 8), vetëm për të vdekurit
- Pjesëmarrja në një ceremoni solemne të Kungimit të parë të një personi ose të Meshës së parë të një prifti ose të 25/50/ 60 përvjetorit të shugurimit priftëror të një prifti
- Rinovimi i premtimeve të Pagëzimit gjatë vigjiljes së Pashkëve
- Adhurimi i Kryqit gjatë ceremonisë solemne në të premtën e Madhe
- Bekimi i Papës i marrë edhe duke e dëgjuar në radio ose në televizor
- Në çastin e vdekjes, mund të jepet nga një prift, ose duke puthur Kryqin (por personi që po vdes duhet të ketë thënë ndonjë lutje gjatë jetës).

SI TË LUTEMI PËR SHPIRTRAT E PURGATORIT?

Lutje të ndryshme dhe vepra të mira

- Ka edhe shumë lutje të tjera që mund të ofrojmë për ta, si psh. Rruzarja,
- Kurora e Mëshirës Hyjnore,
- Kurora e 100 Jepua o Zot pushimin e pasosur
- e lutje të tjera: të gjitha i ndihmojnë shumë shpirtrat e Purgatorit.
- Po ashtu, çdo vepër e mirë, sakrificë, vuajtje, agjërim, sakramental etj e ofruar për ta, i ndihmon shumë këto shpirtra





Faleminderit!
I gjeni të shkruara në sitin:
www.beatoalano.it/al